

الشيخ محمد بن عبد الله

والله يهدي من يشاء الى صراط مستقيم دینی ، علمی ، ادبی ، سیاسی ہفتہ اوق مجموعۂ اسلامیہ در

صاحب و مدیر مسئول : ع . اشرف ادیب

براونی صاغ قولتوغی آلتدن آلهرق صول اوموزی اوزرینه آتمش ایدی . اواکی اوچ شوطی رمل ایله ، یعنی سرعتلی و جالمی آدیملر ایله مبارک اوموزلرینی سیکه رک اجرا بویوردیلر .

قالان دورت شوطنده ایسه رمل ایدیلدی . طوافک بعض شوطنده حجر اسودک حذاسنه کلنجه الرنده اولان چوکان ایله اشارت ایدهرک آنک اوجنی ، بعضلرنده اللرنی تماس ایتدیره رک آنلری ، بعضاً بلاواسطه حجرک کندیسنی تقیل بویوردیلر . رکن یمانی استسلام بویوردقلری مروی ایسه ده ، بو خصوصده هیچ بروجهله تقیل ثابت دکدر .

علیه الصلاة والسلام افندمن حضرتلری ، اوزمانلر بیت شریفک یاقینلرنده بولنان « مقام ابراهیم » ک آرقه طرفلرینه کله رک : « واتخذوا من مقام ابراهیم مصلی » آیت کریمه سنی تلاوت بویوردقندن صوکر ا برنجیده فاتحه شریفه « قل یا ایها الکافرون » دیگر اخلاص سوره لرینی ضم ایدهرک ایکی رکعت طواف نمازی قیلدیلر . بعده حجر اسودی سلاملایه رق ، حرم شریفک صفایه آچیلان قاپوسندن خارجه چیقدی ، وصفایه کلدیلر : « ان الصفا والمروة من شعائر الله » آیت کریمه سنی تلاوت ایتدکدن صوکر ا « ابدؤا بما بدأ الله » دهرک تپه یه صعود بویوردیلر . آرتق کورنمکده اولان بیت شریفه توجه ایله تکبیر کتیره رک : « لا اله الا الله وحده لا شریک له له الملك وله الحمد وهو على کل شیء قدير لا اله الا الله وحده انجز وعده ونصر عبده وهزم الاحزاب وحده » دیه الهی توحید ایتدکدن صوکر ا : اللهم اناسک موجبات رحمتک وعزائم حضرتک والضيمة من کل بر والسلامة من کل اثم لاتدع لی ذنباً الاغفرته ولاهماً الا فرجته ولا کرباً الا کشفته ولا حاجة الا قضيتها ... » دهرک تضرع ونیاز ایلدیلر . تکرار اوچ کره تهلیل متعاقب دعا ایتدکدن صوکر ا تپه دن اینهرک مرویه طوغری یوروکده باشلادیلر . صوکر الری میلین احضرین ایله تحدید ایدیلش اولان وادیدن هروله ایله ، یعنی سعی وسرعت ایله کچهرک مرویه کلدیلر . بوراده ده تپه یه چیقارقی صفاده اولدینی کبی دعا ایتدیلر . سیمک برنجی شوطی بویله جه تمام اولدی . مرویدن صفایه کله رک ایکنجی شوطی ده علاوه ایتدیلر . صفادن تکرار مرویه ... روایت اولندیغنه کوره انسای سعیده : (رب اغفر وارحم انک انت الاعز الاکرم » دهرک دعا ایدیورلردی . فقط چوق کچمدن اورالره اهالی تولدی . هرکس اول حضرتک یانینه صوقولمقله ، مبارک یوزلرینی کورمک ایستیوردی . او یله اولدی ، که آرتق یایان اوله رق سعی قابل دیکلدی . بونک اوزرینه دوه یه بیدیلر . یدی شوط اولق اوزره سعی مرویده اکمال بویوردیلر .

بعده علیه الصلاة والسلام افندمن حضرتلری هدیلری بولنمان اصحاب کرامک حلف ویاخود تقصیر ایله احرامدن چیقملری لزومی اعلان ایتدیلر . بوحاله کوره هدیلری بولنانلر احراملرنده دوام ، بناءً علیه قارن یاخود مفرد اوله جقلردی . هدیلری بولنمانلر احرامدن

وجوده کتیرمش اولان جماعتلر دشمنک طویله ، تفکیله قولای قولای دوریلزلر . « قلعه ، ایچندن فتح اولنور . » سوزی نه بویوک برحقیتدر ! مسلمانلر ایچون بوحقیقتدن غافل اوله جق زمان دکدر . خارجه کی دشمنی بر اقوبده داخلده بر لرلیله اوغراشماسینلر . موجودیتلرینه برر برر خاتمه چکبان حکومات اسلامیه نک حالندن واسون عبرت آلسینلر که انقراضلرینه سبب هپ آرهلرنده کی تفرقه ایدی ، باشقه برشی دکل ایدی .

آیت جلیله ده کی صبر هردلو شدائده کوکس کرمک ؛ هیچ بردشمن ، هیچ برتهلکه قارشیسنده متاتی الدن بر اقامق مغالینه در ؛ یوقسه مسکین مسکین اوطورمق ، مذکته ، محکومیه قاتلانوب طورمق دیمک دکدر . توکل کبی صبرده بعضیلری طرفندن یا کلیش تلقی ایدلمکده اولدینی ایچون شو اخطاره لزوم کوردک . ربنا افرغ عینا صبراً وثبت اقدامنا ...

محمد عاکف

فَقْرٌ وَفَتْاؤُیْ

فقر و عبادات اسلامیه تاریخچه :

حج

۱۰

قوشلق زمانلری ایدی ، رسول اکرم افندمن حضرتلری طوغری حرم شریفه کله رک باب بی شیه دن مسجد الحرامه داخل اولدیلر . کعبه معظمه بی مشاهده ایدنجه : « اللهم زد بیتک هذا تشریفاً وتعظیماً وتکریماً ومهابةً » دیه دعا ایلدیلر . بعض روایتلره کوره نظر نبویلری بیت شریفه واقع اولونجه مبارک اللرنی قالدیره رق تکبیر کتیردکدن صوکر ا : « اللهم انت السلام ومنک السلام حینا ربنا بالسلام اللهم زد هذا البیت تشریفاً وتعظیماً وتکریماً ومهابةً وزد من حجه واعتمره تکریماً وتشریفاً وتعظیماً وبراً » دیدیکی منقولدر . بعده کعبه معظمه یه طوغری یورودیلر . حجر اسود حذاسنه کلنجه اللرنی قالدیرمه رق آتی سلاملادیلر . بوراده تحیه المجد نمازی قیلدینی ، طوافه ال قالدیره رق تکبیر ایله باشلادینی موثوق دکدر . صوکر ا کعبه مکرمه بی صوانه آلهرق طوافه بدأ ایتدیلر . فقط طواف ایدرکن کعبه نک قاپوسی اوکنده ، آرقه سنده ، اولوق آنتده معین برزکر ایله دعا ایتمش اولدقلری مرتبه ثبوت واصل اولما مشدر .. یالکز رکن یمانی ایله حجر اسود آراسنده « ربنا آتنا فی الدنیا حسنةً وفی الآخرة حسنةً وقنا عذاب النار » دیدکلری روایت اولمشدر . طوافه باشلامدن اول اضطباع ایتمش ، یعنی ردای شریفک

اصحابدن بعضلری تکبیر کتیر یور ، بعضلری تلبیه اید یوردی . عرفات
قربنده « نمره » نام محله ایریشد کورنده اول حضرت ، ذات نبویلرینه
مخصوص اولق اوزره قوریلان چادرلرینی کورنجه اوراده توقف
بویوردیلر .
حایم ثابت

اِحْتِیَاطٌ

فه میزیم مسئله سی

— ۱ —

زنده نسا یوره نصل نوره دی ؟

تثلیث ؛ توحید الهینک مصالحه دکل ، بر آن متارکه قبول ایتمز ابدی
دشمنیدر . تثلیثک اسلامیت علیهنده بسلیدیکی آتش کین و خصوصیتی
مدنیتک یکر منجی عصر ترقی و تکاملی دکل آ ، بشیوزیکر منجی عصری ده
سوندوره مز . صورت دکی شیر ، سیرت دکی شمر .

سز قرون وسطاده پاپالرك صلیب اردولرینی نصل تجهیز ایتدی کورینی ،
نصل یانار داغلر کبی فوران ایتدی ررك اسلامیت اوزرینه ییغدی قورینی
بیلسه کز ! بیلسه کز (سن پیه) ک خیر الخلفلری (؟) نصل اسلامیت
علیهنده نه خاطره خیاله کلدک بهتانلر ، افتزار اویدورورلر ، نه شنیع
منظومه لر ، نه فاجع داستانلر ترتیب ایتدی ررك قداکار اولادلری
میسونه لر لسانیه غریبک اک هجری کویارنده اوقوتورلردی !

او منظومه لری کورملی ، او داستانلری اوقوملی ، که انسان
خرستیانلغک اسلامیت علیهنده کی عداوتنک نه قدر شدتلی ، نه درجه
غیر قابل تسکین اولدیغنه دائر بر فکر صحیح ایدینسین .

تثلیث ؛ مهر توحیدک اسپانیاده اختلال آتشلری ، قان دیکزلری
ایچنده افول ایتدی کینی کورمکه ، کندیسنجه پک مقدس بر عید اکبر
مظفریتی ادراک ایتدی . فقط بوالله کونشک طومانچ داغلری
اوزرنده تکرار طلوع ایدرک اوروا آفاق مظلومه نشر انوار فیوضاته
باشلادیغنی کورونجه ینه تلاشه دوشدی . ینه کوزلری صولانغه ،
قلبی تیره مکه ، وجودی اورپر مکه باشلادی .

سوزمی پف دیمکه مهر توحید الهیدر

جهان بر صرصر قهر اولسه ده والله واهیدر

مکانی جنت اولسون ! صاعقه قهر الهی بازید اولک پاپا بشنجی
(مارتین) ک کوندردیکی « کله جکم ! سکا اسلامیت علیهنده صلیب
اردولری تشکیل ایتک نصل اولورمش کوستره جکم ! بکله ای دشمن
توحید ! » خیری واتیقان سراییله برابر رومانی ، بوتون ایتالیاشبه جزیره سنی
زلزله قیامته طوتولمشه دوندردی . پاپا قورقوسندن بایلوب یرلره
یووارلاندی . چونکه تپه سینه اینکه حاضر لانان ییلدیریم ایدی !

وقتا ، که عثمانلی سیف جهان کیری نیام فتورینه کیردی ، او
غربی تیریل تیریل تیره تن صیحه شیرینک آردی کسلدی . ثوت
آرسلان یاره لوب صیرتی اوزرینه دوشونجه میدان ینه تیلکی به قالدی .

چیقارق ، قیلدقلری طواف وسی ایسه عمره دن محسوب اوله جق ؛
فقط حج ایچون آروجه احرام ایتلری اقتضا ایده جکدی . نتیجه
اعتباریله بونلرده متمتع اولیورلردی . کوریلور که حجاج کرام ایکی قسمه
آریلورلر . بر قسمی ، که هدیلری بولنوب قارن یاخود مفرد
اولانلردر ؛ دیگر قسمی ایسه هدیلری بولنایوب متمتع اولانلردر .
برنجیلر احراملرنده دوام ایده جکلر ؛ ایکنجیلر ایسه احرامدن
چیقاقلردی .

حالبو که میقاتده احرامه کیررکن آنجق عمره نیتیه محروم اولانلر
بک آزدی . اصحاب کرامک قسم اعظمی یاقارن یاخود مفرد اوله رق
احرامه کیرمشلردی . شو حاله کوره بوا کثرتیک برنجی طواف
وسعی متعاقب احرامدن چیقماق خاطرلرینه بیله کله یوردی . ذاتاً
عربلر آراسنده اوتهدنبری دوام ایدن اعتقاده کوره حج آیلرنده
عمره کتیرمک اک بویوک معاصیدن معدود بولنیوردی . حالبو که علیه
الصلاة والسلام افندمزک امرینه اتباعاً بودفعه طواف وسیعی متعاقب
احرامدن چیقادیغنی صورتده شبهه سز حج آینده عمره ایتیش بولنملری
لازم کلیوردی . ایشته شونقطه نظرلردن اوله جق که احرامدن چیقملری
لزومی بیلدیرن امرنبوی بردن بره آکلاشیله مدی . بعض کیمسه لر
طرفندن - « بز نصل احرامدن چیقه بیلیرز ، یویاییله ماز ؛ چونکه
بز متمتع اوله رق دکل ، مفرد اوله رق احرامه کیردک ... » کبی سوزلر
صرف ایدیلدی . بالطبع اول حضرت قارشی کلمک اولمازدی ، امر
نبوینک قطعی اولدیغنی آکلاشیلیدی ؛ هدیلری بولنمیانلرک هپسی
احرامدن چیقدیلر .

بوئانلرده اصحاب کرامدن سراقه بن مالک ، علیه الصلاة والسلام
افندمزه فسخ و احلالک - یعنی میقاتده التزام اولسان حجک عمره به
قلبیله احرامدن چیقماق - لزومی بوسنه یه می مخصوص ، یاخود هدیلری
بولنمیانلر بوندن بویله هپ متمتعی ایده جکلر ؟ « ذیه سوال ایتدی .
اول حضرت ده بو حکمک ابدلره قدر هپ بویله دوام ایده جکینی
بیلدیردیلر .

فخر کائنات افندمزدن ماعدا ابوبکر ، عمر ، علی ، طلحه ، زبیر
بن عوامک هدیلری بولندیغندن احراملری اوزره قالدیلر . فقط
امهات مؤمنین و حضرت فاطمه ایسه سائر اصحاب کرام کبی احرامدن
چیقدیلر . حضرت عائشه عذرینه منی طواف وسی ایده مدیکندن
بالطبع احرامدن چیقمه مدی .

حجاج کرام بازار ، بازار ایرته سی ، صالی ، چهارشنبه کونلری
مکده قالدیلر . بومدت ظرفنده نمازلرینی قصر ایدیلورلردی پنجشنبه
کونینه تصادف ایدن یوم تروییه نک قوشلق زمانلری کلاجه ، احراملرندن
چیقماش اولانلرک هپسی شهر خارجنده یرلی یرلرنده احرامه کیردیلر .
قافله منایه طوغری حرکت ایتدی . بوجهه کیجه سنی مناده کچیره -
جکلری . فرداسی جمعه کونی کونش آز چوق ارتفاع پیدا ایدنجه
« ضب » نام یولی تعقیب ایله « عرفات » کیدیلدی . انسانی راهده